

# Aim g sichtsstoß gogen ainem absetzen

182

9



**S**tem schickh dich also

At dem gesicht stoß in dem zu sechten stee mit deinem lincken fuoß vor dein stammgen in deiner rechten hand auf deiner rechten hufft den orth gogen seinem gesicht stet er dann gogen dir in dem absetzen seinen rechten fuoß furgesetzt sein stammgen in der mitt mit seinen beiden henden gestreckt vor seinem an gesicht so tritt mit deinem rechten fuoß hinein vnd wind in deinen hindern ort zu seinem gesicht seiner rechten seitten seht er dir das ab so wind in mit deinem andern vnd zu seiner prüft in des setz deinen rechten schenckel zu ruckh vnd schlag in mit deiner stangen nach seiner rechten seitten schlecht er dir also nach deiner rechten seitten so tritt mit deinem lincken schenckel hinein vnd setz in das ab mit zwi schent deinen beiden henden auf dein lincken seitten in des stoß in mit deinem vordern orth zu seinem gesicht ver seht er dir das so volg mit deinem rechten fuoß hin nach vnd stoß in mit deinem hindern orth zu seinem gemachten stost er dir also vnd zu so tritt mit deinem lincken fuoß hinder sich vnd setz in das ab mit deinem hindern orth in des tritt mit deinem lincken fuoß hinein vnd stoß in mit ainem zwi fachen stoß nach seinem gesicht tritt damit zu ruckh in guter verfassung